

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
OPĆINSKO VIJEĆE**

Broj:01-  
Datum:

**PRIJEDLOG**

Na osnovu člana 1. Zakona o dopunama zakona o koncesijama ("Službene novine FBiH", broj: 61/06), člana 8. Zakona o principima lokalne samouprave ("Službene novine FBiH", broj:49/06) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj \_\_\_\_\_ sjednici, održanoj \_\_\_\_\_ 2018. godine, donosi

**ODLUKU**  
o davanju saglasnosti za dodjelu koncesije

**Član 1.**

Daje se saglasnost na mogućnost dodjele koncesije na istraživanje i eksploataciju mineralnog resursa - vode na lokalitetu Trepče, općina Tešanj, na parceli označenoj kao k.p. broj: 992 zvana „Ravnice“, Trepče - upisana u ZK uložak br. 9 k.o. Trepče u korist "Qualitec" d.o.o. Tešanj sa dijelom 1/1, površine 1.066 m<sup>2</sup> - harmonizirano.

**Član 2.**

Uvidom u Izmjene i dopune prostornog plana Općine Tešanj – Urbana područja („Službeni glasnik Općine Tešanj“, broj:7a/09) utvrđeno je da se katastarska parcela broj: 992, k.o. Trepče, nalazi u obuhvatu Prostornim planom utvrđenog urbanog područja Trepče. Na parceli je moguće izvoditi građevinske radove kao i druge zahvate za koje je potrebno utvrditi urbanističko-tehničke i druge uslove primjenom Zakona o prostornom uređenju i građenju („Službene novine ZE-DO kantona“, broj: 1/14) i Odluke o provođenju izmjena i dopuna prostornog plana Općine Tešanj.

**Član 3.**

Prilikom provođenja procedure dodjele koncesije, zaključivanja ugovora o koncesiji te adekvatnim nadzorom, potrebno je ispoštovati odredbe Zakona o koncesijama.

**Član 4.**

Donošenjem ove Odluke stavlja se van snage Odluka o davanju saglasnosti broj: 01-25-4-372-2/15 od 01.04.2015. godine i Odluka broj: 02-25-1-108/18 od 25.01. 2018. godine.

**Član 5.**

Ova odluka stupa na snagu narednog dana od dana objave u "Službenom glasniku Općine Tešanj".

**PREDSJEDAVAJUĆI VIJEĆA**

Subašić Senad, dipl.ecc.

## Obrazloženje

### PRAVNI OSNOV

Mogućnost dodjele koncesije na istraživanje i eksploataciju mineralnog resursa - vode na lokalitetu Trepče, općina Tešanj, sadržan je u članu 1. Zakona o koncesijama ("Službene novine FBiH", broj: 40/02, 61/06) i člana 8. Zakona o principima lokalne samouprave ("Službene novine FBiH", broj:49/06).

### Obrazloženje

U realizaciji procedure dodjele koncesije, Kantonalno ministarstvo za poljoprivredu, šumarstvo i vodoprivredu Zenica, u skladu s odredbama Zakona o koncesijama i Zakona o principima lokalne samouprave, na osnovu kojih Općinsko vijeće Tešanj ima nadležnost da vrši politiku upravljanja prirodnim resursima i raspodjelom sredstava ostvarenih na osnovu njihovog korišćenja na teritoriju koji je definisan općinskim granicama, zatražilo je svojim aktom broj: 05-25-07494-3/17 od 10.01.2018. godine (zaprimljen u Općinu Tešanj 16.01.2018. godine) saglasnost za dodjelu koncesije. Ministarstvo zaprimilo je zahtjev za crpljenje, zahvatanje i flaširanje izvorske vode u naseljenom mjestu Trepče na parceli označenoj kao k.p. broj: 992 zvana „Ravnice“, Trepče upisana u ZK uložak br. 9 k.o. Trepče u korist "Qualitec" d.o.o. Tešanj sa dijelom 1/1, površine 1.066 m<sup>2</sup> - harmonizirano.

Prije pokretanja postupka dodjele koncesije, Ministarstvo je dužno pribaviti saglasnost lokalne zajednice na postupak provođenja koncesije.

Uz zahtjev Ministarstva za davanje saglasnosti na dodjelu koncesije, dostavljeni su:

- Kopija zahtjeva podnosioca od 06.09.2017. g.,
- Odluka Općine Tešanj o davanju saglasnosti broj: 01-25-4-372-2/15 od 01.04.2015. godine;
- Odluka Vlade ZDK broj:02-25-15201/17 od 02.11.2017. godine kojom je poništena Odluka Vlade o pristupanju provođenju procedure dodjele koncesije za eksploataciju prirodne vode na lokalitetu Trepče;

U redovnoj proceduri pripreme Odluke Služba za finansije, privredu, komunalne i inspeksijske poslove obezbijedila je:

- Rješenje o registraciji "Bosna springs" d.o.o. Tešanj;
- Rješenje o izmjenama podataka "Qualitec" d.o.o. Tešanj;
- posjedovni list;
- Izvještaj o izvedenim radovima na istražnoj bušotini IB-1 na lokaciji Trepče, Tešanj,

sačinjen od strane "WINNER PROJECT" d.o.o. Sarajevo;

- Izvještaj o rezultatima geofizičkih-geoelektičnih ispitivanja u Trepču kod Tešanj, sačinjen od strane M. Pandurov, dipl. ing.geof.;

- Elaborat o ekonomsko-finansijskoj opravdanosti eksploatacije i pakovanja prirodne mineralne vode na lokalitetu Trepče, Općinja Tešanj i

- Mišljenje Službe za katastar, urbanizam i imovinsko-pravne poslove broj: 06-23-11-395-2/15 od 22.01.2018. godine.

U pripremi Odluke Služba je ustanovila da je za predmetnu parcelu 2015. godine Općinsko vijeće Tešanj donijelo Odluku o dodjeli koncesije privrednom društvu "Qualitec" d.o.o. Tešanj čiji su osnivači bili Hasanbašić Muhamed i Dževad iz Trepča. U međuvremeno je došlo do određenih promjena tako da je iz privrednog društva "Qualitec" d.o.o. Tešanj istupio Hasanbašić Dževad a kao jedini osnivač ostao Hasanbašić Muhamed, a predmetna parcela k.p. broj: 992 zvana „Ravnice“, Trepče na kojoj je istražna bušotina prešla u posjed ovog privrednog društva.

Hasanbašić Muhamed osnovao je i privredno društvo "Bosna springs" d.o.o. Tešanj koje je Ministarstvu za poljoprivredu, šumarstvo i vodoprivredu podnijelo zahtjev za dodjelu koncesije putem samoinicijativne ponude, pa je Vlada ZDK poništila svoju prvobitnu odluku donesenu na osnovu


zahtjeva iz 2015. godine i pokrenula proceduru dodjele koncesije novom podnosiocu zahtjeva "Bosna springs" d.o.o. Tešanj.

U skladu sa izloženim, nakon što su utvrđene činjenice, zaključeno je da treba staviti van snage Odluka o davanju saglasnosti broj: 01-25-4-372-2/15 od 01.04.2015. godine, a predloženo je donošenje nove Odluke o davanju saglasnosti privrednom društvu "Bosna springs" d.o.o. Tešanj.

Nakon što je Općinsko vijeće Tešanj na 16. sjednici Vijeća usvojilo predloženu odluku, iz nadležnog Ministarstva je aktom broj: 05-25-07494-5/17 od 15.03.2018. godine zatražena izmjena Odluke u smislu brisanja podnosioca samoinicijativne ponude jer će se koncesija dodjeljivati putem javnog poziva prikupljanja ponuda.

**OBRADIVAČ**


**Služba za finansije, privredu, komunalne  
i inspeksijske poslove**

  
Hamzalija Hojkurić, dipl.oec.



**PREDLAGAČ**

**OPĆINSKI NAČELNIK**

  
Mr. Sc. Suad Huskić, profesor

Broj: 02-25-1-108-2/18

Dana: 26.03. 2018. godine